



Broj: A – 100/23

Datum: 27.02.2023. godine

Na osnovu Strateškog okvira za tužilaštva u Federaciji Bosni i Hercegovini (u daljem tekstu F BiH) za 2022-2024, te člana 6. stav (2) Pravilnika o orijentacionim mjerilima za rad tužilaca u tužilaštvima u BiH („Službeni glasnik BiH“ broj: 64/16, 96/16, 93/17, 71/18, 33/19 i 65/19) i člana 4 i 5 Uputstva za primjenu Pravilnika o orijentacionim mjerilima za rad tužilaca u tužilaštvima u BiH broj 13-02-2-2132-3/2016, od 18.10.2016. godine, Glavni federalni tužilac Federalnog tužilaštva FBiH donio je:

PLAN RADA ZA 2023. GODINU

I STRATEŠKI CILJEVI RADA ZA 2023. GODINU

Konstatuje se da, u vrijeme donošenja ovog Plana rada, u Federalnom tužilaštvu Federacije Bosne i Hercegovine (u daljem tekstu: FT F BiH) tužilačku funkciju vrši 12 tužilaca, što je za jedno tužilačko mjesto manje u odnosu na sistematizovani broj tužilaca u Opštem odjelu. Tužioci su raspoređeni u Odjel opšte nadležnosti, kao što slijedi:

Odjel	Broj	Imena tužilaca
Odjel opšte nadležnosti	13	<ol style="list-style-type: none">1. Munib Halilović – glavni federalni tužilac2. Tihomir Jurko – zamjenik glavnog tužioca3. Jasna Pećanac – zamjenica glavnog tužioca4. Alma Tirić- tužiteljica5. Anika Kešelj - tužiteljica6. Fikreta Vranjkovina - tužiteljica7. Lejla Hasanbegović - tužiteljica8. Suada Salkić - tužiteljica9. Slavo Lakić - tužilac10. Nihad Haličević - tužilac11. Dragan Stupar – tužilac12. Saša Sarajlić- tužilac

Broj tužilaca Federalnog tužilaštva je, Odlukom Visokog sudskog i tužilačkog vijeća BiH iz 2014. godine, povećan za 10 tužilaca koji bi trebali biti raspoređeni u Poseban odjel ovog tužilaštva za suzbijanje korupcije i organizovanog kriminala, kada se za to stvore neophodni uslovi.

U pogledu Strateškog okvira za tužilački sistem FBiH isti je podjeljen na nekoliko strateških ciljeva, te je u svaki strateški cilj inkorporirano više podciljeva a kako to slijedi u nastavku teksta:

1. „Smanjiti broj starih predmeta“,
2. „Povećati efikasnost i kvalitet rada tužilaštava“,
3. „Povećati broj riješenih KTK i KTO predmeta, povećati broj riješenih KTK I KTO na visokom nivou“
4. „Povećati kvantitet i kvalitet informacija u skladu sa planom praćenja i evaluacije PR u tužilaštvima“.

Konstatuje se da isti nisu direktno primjenjivi na Federalno tužilaštvo F BiH, s obzirom na njegove specifične nadležnosti, ali će ovo tužilaštvo, u skladu sa svojom funkcijom nadzora nad radom kantonalnih tužilaštava, vršiti nadzor i nad ispunjenjem ovih strateških ciljeva od strane kantonalnih tužilaštava u F BiH, a čija kontrola se ogleda na sjednicama Proširenog kolegija glavnih kantonalnih tužilaca u Federaciji koja se održava dva puta godišnje.

Strateški cilj 1: Vršiti nadzor nad realizacijom smanjenja broja starih predmeta od strane kantonalnih tužilaštava u smislu postizanja sljedećih ciljanih rezultata na nivou kantonalnih tužilaštava:

Ciljani rezultat 1.1 Smanjiti broj neriješenih KT predmeta starijih od dvije godine

Smanjiti broj starih neriješenih KT predmeta za više od 60% u odnosu na broj predmeta na dan 31.12.2022. godine

Smanjiti ukupan broj starih neriješenih KT predmeta za 10%

Ciljani rezultat 1.2 Smanjiti broj neriješenih KTA predmeta starijih od dvije godine

Smanjiti broj starih neriješenih KTA predmeta za više od 60% u odnosu na broj predmeta na dan 31.12.2022. godine

Smanjiti ukupan broj starih neriješenih KTA predmeta za 10%

Strateški cilj 2: Vršiti nadzor nad realizacijom povećanja efikasnosti i kvaliteta rada tužilaštava u smislu postizanja sljedećih ciljanih rezultata na nivou kantonalnih tužilaštava:

Ciljani rezultat 2.1 Skratiti prosječnu dužinu trajanja predmeta

Prosječna dužina trajanja predmeta u fazi prijave i istrage u toku 2022. godine na nivou Federacije je iznosila 248 dana

Ciljani rezultat 2.2 Povećati omjer osuđujućih presuda u odnosu na ukupan broj presuda

Opći kriminal: Osigurati da učešće osuđujućih pravosnažnih presuda po licima i predmetima bude 95% u odnosu na ukupan broj presuda za tužilački sistem FBiH

Privredni kriminal: Osigurati da učešće osuđujućih pravosnažnih presuda po licima i predmetima bude iznad 80% u odnosu na ukupan broj presuda za tužilački sistem FBiH

Korupcija: Osigurati da učešće osuđujućih pravosnažnih presuda po licima i predmetima bude iznad 80% za tužilački sistem FBiH

Ciljani rezultat 2.3 Smanjiti omjer uvažених притужби на укупан број негативних туžилачких одлука

Omjer uvažених притужби не прелази омјер од 3% у односу на број одлука о непровођењу и обустави истрага на нивоу Уреда главног кантоналног туžиоца, плус број притужби уvažених од стране Федералног туžилаштва у односу на број притужби ријешених од стране Федералног туžилаштва, по појединим кантоналним туžилаштвима.

Ciljani rezultat 2.4 Smanjiti broj neriješenih prijava

Za 2023. godinu smanjiti broj neriješenih prijava za 10% u odnosu na broj zabilježen 31.12.2022. godine za cjelokupni tužilački sistem u Federaciji BiH

Ciljani rezultat 2.5 Smanjiti broj neriješenih istraga

Za 2023. godinu smanjiti broj neriješenih istraga za 10% u odnosu na broj zabilježen 31.12.2022. godine za cjelokupni tužilački sistem u Federaciji BiH

Strateški cilj 3 Strateškog okvira – Vršiti nadzor nad povećanjem broja riješenih KTK i KTO predmeta u kantonalnim tužilaštвима u FBiH, u smislu postizanja sljedećih ciljanih rezultata:

Ciljani rezultat 3.1 Povećati broj riješenih KTK predmeta

Za 2023. godinu povećati broj riješenih KTK predmeta za 5% u odnosu na 2022. godinu

Ciljani rezultat 3.2. Povećati broj KTO predmeta

Za 2023. godinu će se povećati broj riješenih KTO predmeta za 5% u odnosu na 2022. godinu

Ciljani rezultat 3.3 Povećati broj riješenih KTK i KTO predmeta na visokom nivou

Za 2023. godinu će se povećati broj riješenih KTKV i KTOV predmeta za 5% u odnosu na 2021. godinu

Strateški cilj 4 Strateškog okvira – Povećati kvantitet i kvalitet informacija u skladu sa planom praćenja i evaluacije PR u tužilaštvima¹:

Ciljani rezultat 4.1. Povećati kvalitet informacija u skladu sa planom praćenja i evaluacije PR u tužilaštvima

Povećati kvalitet informacija u skladu sa planom praćenja i evaluacije PR u tužilaštvima za 5%

Ciljani rezultat 4.2. Povećati kvantitet informacija u skladu sa planom praćenja i evaluacije PR u tužilaštvima za 5%

Povećati kvantitet informacija u skladu sa planom praćenja i evaluacije PR u tužilaštvima za 5%

Opšta zapažanja

U vrijeme donošenja Plana rada Federalnog tužilaštva za 2023. godinu, u ovom tužilaštvu tužilačku funkciju vrši ukupno 12 tužilaca (glavni federalni tužilac, zamjenik glavnog federalnog tužioca, zamjenica glavnog federalnog tužioca i devet federalnih tužilaca), što je za jedno mjesto manje u odnosu na broj tužilaca koji je utvrđen odlukom Visokog sudskog i tužilačkog vijeća BiH o broju tužilaca. Usljed povećanog obima posla u toku 2021. godine, Federalno tužilaštvo F BiH, je uputilo inicijativu VSTV-u BiH za proširenje sistematizacije za još jednog federalnog tužioca u federalnom tužilaštvu, a čiju inicijativu VSTV BiH je prihvatilo, te je tokom 2022. godine, VSTV BiH imenovao tri nova federalna tužioca, na koji način je Federalno tužilaštvo, do kraja 2022. godine, ispunjavalo kvotu tužilaca predviđenu pravilnikom o sistematizaciji. Početkom 2023. godine, jedan federalni tužilac je stekao uvjete za starosnu penziju, na koji način se je Federalno tužilaštvo ostalo sa jednim upražnjenim mjestom, te se u toku 2023. godine, čeka imenovanje novog federalnog tužioca tako da broj tužilaca koji vrše funkciju prilikom sačinjavanja ovog plana rada iznosi broj 12. Obzirom da je u toku izborna procedura za jedno upražnjeno mjesto u Federalnom tužilaštvu F BiH, tokom 2023. godine, se čeka imenovanje još jednog federalnog tužioca, a koju izbornu proceduru provodi Visoko sudsko i tužilačko vijeće BiH.

U skladu sa obavezama proisteklim iz Zakona o suzbijanju korupcije i organizovanog kriminala u FBiH ("Službene novine FBiH", broj: 59/14 od 23.07.2014. godine), Federalno tužilaštvo je 2014. godine donijelo novi Pravilnik o unutrašnjoj organizaciji, koji je 26.11.2014. godine stupio na pravnu snagu. Navedenim

¹ Obzirom da ocjenjivačko tijelo donosi ovaj izvještaj u aprilu mjesecu, informacije o Strateškom cilju 4, će biti prezentovane na sjednici Proširenog kolegija u julu 2023. godine.

pravilnikom utvrđena je nova unutrašnja organizacija Federalnog tužilaštva i tužilačkih odjela, pa je, pored Odjela opšte nadležnosti, predviđen i Poseban odjel za suzbijanje korupcije i organizovanog kriminala. Međutim, s obzirom da nisu stvoreni uslovi za primjenu navedenog zakona, pa time ni za imenovanje i početak rada tužilaca Posebnog odjela, nadležnosti Federalnog tužilaštva Federacije Bosne i Hercegovine koje proizilaze iz Zakona o Federalnom tužilaštvu Federacije Bosne i Hercegovine faktički se vrše u okviru jednog odjela – Odjela opšte nadležnosti, tako da tužioci rade na svim vrstama predmeta.

U mjesecu augustu 2022. godine, Vlada F BiH je Federalnom tužilaštvu F BiH dostavila Akcioni plan za implementaciju Zakona o suzbijanju korupcije i organizovanog kriminala u F BiH, na šta je Federalno tužilaštvo F BiH dostavilo Vladi F BiH izjašnjenje kojim podržava Akcioni plan i bez datih primjedbi. U vezi s navedenim Vladi F BiH je dat prijedlog za imenovanje člana u Koordinacioni tim za praćenje implementacije Akcionog plana. Vlada F BiH je u mjesecu decembru 2022. godine dala saglasnost na Memorandum o saradnji sa Visokim sudskim i tužilačkim vijećem BiH u cilju provedbe projekta izgradnje „Palate pravde“ namijenjene za smještaj federalnih pravosudnih institucija sa posebnim odjelima. U toku 2022. godine oformljena je radna interresorna grupa, u čijem sastavu je bio i glavni federalni tužilac, koja je sačinila analizu potreba za smještajnim prostorom posebnih odjela suda i tužilaštva, čiji je Izvještaj o radu prihvatila Vlada F BiH u decembru 2022. godine, te iskazala opredjeljenje za izgradnju namjenske zgrade za pravosudne institucije F BiH – Palača pravde Federacije BiH. U januaru 2023. godine Vlada F BiH i VSTV BiH potpisali su Memorandum o saradnji koji se odnosi na uspostavu i izgradnju „Palate pravde Federacije BiH“, novog i namjenski izgrađenog objekta u koji će biti smješteni Federalno tužilaštvo i Vrhovni sud F BiH sa Posebnim odjelima, kao i Sudska policija F BiH. Cilj ovog memoranduma je hitno osiguranje uslova za implementaciju Zakona o suzbijanju korupcije i organiziranog kriminala u Federaciji BiH, a kojim se uređuju i pitanja osnivanja, organizacije, nadležnosti, ovlaštenja i načina rada posebnih odjela za suzbijanje korupcije, organiziranog i međukantonalnog kriminala pri Federalnom tužilaštvu i Vrhovnom sudu F BiH, kao i način izbora nosilaca pravosudnih funkcija i rukovođenje posebnim odjelima. Memorandumom se iskazuje saglasnost za dugoročno rješavanje pitanja smještaja najviših pravosudnih institucija Federacije BiH, odnosno Federalnog tužilaštva i Vrhovnog suda F BiH.

U toku 2023. godine, Federalno tužilaštvo F BiH, će na svojim internim Kolegijima federalnih tužilaca razmatrati Pravilnik o sistematizaciji Federalnog tužilaštva Federacije BiH, kao i druga pitanja koja se tiču rada Posebnog odjela, a sve u cilju što ažurnije i kvalitetnije uspostave i rada ovog odjela.

Pravilnikom o orijentacionim mjerilima za rad tužilaca u tužilaštvima u BiH nije propisana posebna norma za tužioce Federalnog tužilaštva F BiH, ali je utvrđena obaveza da se predmeti rješavaju ažurno i efikasno. U dosadašnjem radu Federalno tužilaštvo je postiglo visok stepen ažurnosti i primljeni predmeti su se rješavali u toku iste godine, sa izuzetkom određenog manjeg broja predmeta u odnosu na ukupan broj predmeta, koji su ostali neriješeni na kraju 2022. godine, a od kojih je većina primljena u Federalno tužilaštvo pred kraj godine ili se radi o predmetima u kojima se očekuje zakazivanje sjednice vijeća Vrhovnog suda FBiH, odnosno glavnog pretresa, zbog čega se cijeni da te predmete nije bilo moguće riješiti u istoj godini u

kojoj su primljeni, iz objektivnih razloga. Stoga će se i u narednom periodu posebna pažnja posvetiti ažurnom i efikasnom rješavanju predmeta iz nadležnosti ovog tužilaštva, kao i realizaciji svih strateških dokumenata koji se odnose na postupanje tužilaštava u FBiH, te će se obavljati nadzor nad radom kantonalnih tužilaštava, naročito u oblastima zakonitosti i efikasnosti rada, dosljedne i pravilne primjene Pravilnika o orijentacionim mjerilima za rad tužilaca u tužilaštvima u BiH i realizacije Strateškog okvira za tužilaštva u FBiH za period od 2023-2025. godine.

II MJERE ZA REALIZACIJU CILJANIH REZULTATA UTVRĐENIH STRATEŠKIM OKVIROM

II.a Mjere za realizaciju Strateškog cilja 4

Ciljani rezultat 4.1 utvrđen Strateškim okvirom	
Ciljani rezultat za 2022. godinu utvrđen Strateškim okvirom za FBiH	<i>Povećati kvalitet informacija u skladu sa planom praćenja i evaluacije PR u tužilaštvima za 5%</i>
Ciljani rezultat za 2022. godinu za Federalno tužilaštvo²	<i>Povećati kvalitet informacija u skladu sa planom praćenja i evaluacije PR u tužilaštvima za 5%</i>
Predložene mjere:	<ul style="list-style-type: none">- Održavati postignutu ažurnost i efikasnost kod rješavanja upita u smislu Zakona o slobodi pristupa informacija u FBiH- Primjenjivati Strategiju za postupanje sa osobama koje dolaze u kontakt sa tužilaštvom- Učestvovati na edukacijama iz oblasti odnosa s javnošću, te direktno primijeniti stečeno znanje- Primijeniti primjere dobre prakse izrađene u okviru USAID Projekt pravosuđa u BiH- Redovno ažuriranje web stranice Tužilaštva

Ciljani rezultat 4.2 utvrđen Strateškim okvirom	
Ciljani rezultat za 2022. godinu utvrđen Strateškim okvirom za FBiH	<i>Povećati kvantitet informacija u skladu sa planom praćenja i evaluacije PR u tužilaštvima za 5%</i>
Ciljani rezultat za 2022. godinu za Federalno	<i>Povećati kvantitet informacija u skladu sa planom praćenja i evaluacije PR u tužilaštvima za 5%</i>

² Ocjena kvaliteta za 2017. godinu je bila 15,1 što se smatra solidnim stanjem kojem su potrebna unapređenja

tužilaštvo³	
Predložene mjere:	<ul style="list-style-type: none"> - Redovno ažurirati sadržaj web stranice i nastaviti praksu objavljivanja izvještaja o radu - Održavati uspostavljenu praksu sačinjavanja i objavljivanja informacija o primijeni Krivičnog zakona FBiH - Rješavati zahtjeve za dostavljanje informacija u skladu sa Zakonom o slobodi pristupa informacijama - Nastaviti sa praksom odazivanja na pozive za davanje intervjua, izjave ili gostovanje u emisiji - Objavljivati saopštenja za javnost kada je to potrebno i kada za određena pitanja postoji interes javnosti - Održati godišnju press konferenciju na kojoj će se izvijestiti o radu Federalnog tužilaštva, te organizovati i ad hoc konferencije za javnost u eventualnim kriznim situacijama⁴

Osobe zadužene za odnose s javnošću u Federalnom tužilaštvu FBIH su glavni federalni tužilac i stručni savjetnik za odnose s javnošću. U proteklom periodu kontinuirano je obavještavana javnost (mediji i drugi subjekti zainteresovani za rad Federalnog tužilaštva) o stanju kriminaliteta i predmetima u kojima ovo tužilaštvo postupa.. Federalno tužilaštvo FBIH je razvilo Strategiju za odnose s javnošću i informisanje, Vodič za pristup informacijama, Index registar, kao i druge obrasce koje olakšavaju pristup i korištenje usluga tužilaštva od strane građana i drugih zainteresovanih javnosti.. U okviru portala www.pravosudje.ba, Federalno tužilaštvo FBIH ima svoju web stranicu <http://ft-fbih.pravosudje.ba/> na kojoj se redovno objavljuju važnije informacije o radu, organizaciji i aktivnostima tužilaštva. Prema evidenciji Federalnog tužilaštva F BiH, tokom 2022. godine, ovom tužilaštvu dostavljeno je 241 zahtjeva za pristup informacijama. Svi zahtjevi su blagovremeno obrađeni, te su odgovori na vrijeme dostavljeni tražiteljima informacija. Federalno tužilaštvo F BiH redovno podnosi izvještaje o primjeni Zakona o slobodi pristupa infomacijama Instituciji Ombudsmana BiH, u skladu sa članom 20 stav 3 Zakona o slobodi pristupa informacijama u F BiH.

S obzirom da je, generalno, povjerenje građana i javnosti u rad tužilaštava i pravosuđa na veoma niskom nivou, a imajući u vidu da je komuniciranje sa zainteresovanim stranama izuzetno važan proces u poboljšanju razumijevanja rada i djelovanja institucije Federalnog

³ Ocjena kvantiteta za 2017. godinu je bila 16 što se smatra solidnim stanjem kojem su potrebna unapređenja

⁴ Uz prethodno ispitivanje postojanja interesa elektronskih i štampanih medija za prisustvo konferenciji, od čega će i zavisiti potpuna realizacija ove mjere

tužilaštva, kao i transparentnosti u radu, Federalno tužilaštvo F BiH će tokom 2023. godine, nastojati ojačati povjerenje javnosti u rad ove institucije i time dati svoj doprinos jačanju povjerenja javnosti rad tužilaštava F BiH i pravosuđa u cjelini.

III PRETPOSTAVLJENI I PLANIRANI OBIM RADA FEDERALNOG TUŽILAŠTVA U 2023. GODINI

Analizom Plana rada za 2022. godinu, evidentno je da je riješeno više KTŽ predmeta (za 53), budući da je priliv ovih predmeta u 2022. godini veći od očekivanog priliva, dok je jedan predmet ostao neriješen i njegovo rješavanje je izvjesno i očekivano u 2023. godini. Riješeno je više KTŽK predmeta u odnosu na planirani obim rada (za 1), a tri predmeta je ostalo neriješeno na sudu, pa se očekuje zakazivanje i održavanje pretresa u toku 2023. godine, a u cilju donošenja presude. Što se tiče KTŽKŽ predmeta riješena su 2 predmeta manje u odnosu na planirani obim rada jer je priliv ove vrste predmeta bio u izvještajnom periodu nešto manji u odnosu na period koji je uzet u obzir pri planiranju priliva. U toku 2022. godine, u odnosu na planirani obim rada, riješeno je i više KTA predmeta (za 56), dok je 50 KTA predmeta ostalo neriješeno i njihovo rješavanje se očekuje u 2023. godini. Porast broja neriješenih predmeta treba gledati i kroz kontekst značajnog povećanja broja KTA predmeta (406 u zadnje 2 godine). Riješeno je manje KTPP predmeta (za 4), dok je A predmeta riješeno više (za 72), što je bilo uvjetovano povećanjem priliva predmeta u odnosu na prethodne godine.

Naziv tužilaštva	Vrsta predmeta	Ostalo neriješeno predmeta iz prethodnog perioda na dan 01.01.2023. godine	Očekivani priliv predmeta u 2023. godini	Broj predmeta čije je rješavanje planirano u toku 2023. godine
	I	II	III	IV
Federalno tužilaštvo	KTŽ	1	244	245
	KTŽK	3	23	26
	KTŽKŽ	0	23	23
	KTPP	0	16	16
	KTA	50	1.037	1.087
	A	0	599	599
	Ukupno	54	1.942	1.996

Pretpostavljeni obim rada u odnosu na predmete navedene u gornjoj tabeli određen je po metodologiji iz člana 6. stav (3) Uputstva za primjenu Pravilnika o orijentacionim mjerilima za rad tužilaca u tužilaštvima u BiH, uz obavezu tužilaca da sve predmete iz nadležnosti Federalnog tužilaštva F BiH riješe ažurno i efikasno. Planirani obim rada Federalnog tužilaštva F BiH, pored vrsta predmeta koje su navedene u gornjoj tabeli, uključuje i sve druge vrste predmeta iz nadležnosti ovog tužilaštva (npr. UT i POV predmeti), koji se zaprime u toku 2023. godine i koje je potrebno riješiti do isteka godine. Ukoliko Federalno tužilaštvo, u skladu sa članom 17. i članom 20. stav (2) Zakona o Federalnom tužilaštvu F BiH, tokom 2023. godine, bude preuzelo u svoju nadležnost određene krivične predmete iz stvarne nadležnosti kantonalnih tužilaštava, broj tih predmeta bit će uvršten u Plan rada. Plan rada će, tokom godine, biti dopunjen uvrštavanjem krivičnih predmeta iz nadležnosti Posebnog odjela Federalnog tužilaštva za suzbijanje korupcije i organizovanog kriminala, ukoliko ovaj odjel počne sa radom u toku 2023. godine.

IV PREGLED OSTALIH MJERA I AKTIVNOSTI KOJI ĆE SE REALIZOVATI U 2023. GODINI

Nadzor rada kantonalnih tužilaštava

Plan rada za 2023. godinu uključuje kontrolu optužnih akata iz kantonalne stvarne nadležnosti, u odnosu na krivična djela za koja se može izreći kazna zatvora preko deset godina. Kontrola će se odnositi prvenstveno na pravilnost činjeničnog opisa i pravne kvalifikacije krivičnog djela u konkretnim predmetima.

Takođe, u skladu sa zaključkom usvojenim na sjednici Proširenog kolegija glavnih tužilaca u FBiH, koja je održana 28. i 29. januara 2019. godine, i u 2023. godini će Federalno tužilaštvo nastaviti vršiti i kontrolu optužnih akata u KTK predmetima kantonalnih tužilaštava iz nadležnosti općinskih sudova (u odnosu na krivična djela korupcije za koja se može izreći kazna zatvora do deset godina ili novčana kazna kao glavna kazna).

U 2023. godini izvršit će se redovni godišnji nadzor nad radom kantonalnih tužilaštava, koji će biti proveden u skladu sa Uputstvom i Planom nadzora rada kantonalnih tužilaštava u 2023. godini, koje će naknadno donijeti glavni federalni tužilac, a koji će činiti sastavni dio Plana rada.

VSTV BIH je na sjednici održanoj 17.01.2022. godine, donio Pravilnik o orijentacionim mjerilima za rad tužilaca u tužilaštvima u Bosni i Hercegovini, gdje je poseban akcenat stavljen na posebne situacije vrednovanja izuzetno složenih predmeta koji se odnose na predmete organizovanog kriminala, privrednog kriminala i predmeta korupcije. U skladu sa tim, pored redovne kontrole optužnica u ovoj vrsti predmeta, Federalno tužilaštvo F BiH, će davati saglasnost u skladu sa Pravilnikom za veća vrednovanja ovih predmeta uz obrazložen prijedlog Ureda kantonalnog tužioca, kao što je to bilo rađeno i u toku 2022. godine.

Federalno tužilaštvo F BiH, će u narednom periodu redovno održavati kolegije svih federalnih tužilaca, najmanje jednom mjesečno, a po iskazanoj potrebi i češće radi rješavanja svih otvorenih pitanja, zauzimanje shvatanja o dilemama koje se pojave u praksi ili su predmet upita kantonalnih tužilaštava, zauzimati stavove koji će biti osnova Glavnom tužiocu za izdavanja opštih ili pojedinačnih obaveznih uputstava i rješavati druga pitanja iz svoje nadležnosti. Glavni tužilac će biti odgovoran za kontinuirano provođenje ove mjere.

Jedan od usvojenih zaključaka na XI Stručnom savjetovanju tužilaca u Neumu (01-03. 10. 2018. godine) bio je da se periodično nastavi sa održavanjem Koordinacionih sastanaka tužilaca za maloljetnike, u cilju ostvarivanja konstruktivne saradnje između kantonalnih tužilaca, a prvenstveno radi razmjene iskustava i identifikovanja najboljih praksi u pogledu primjene alternativnih modela postupanja, kao i identifikiranja segmenata u kojima je potrebna dalja edukacija, sve u smislu odredbi Zakona o zaštiti i postupanju sa djecom i maloljetnicima u krivičnom postupku, odnosno propisanih obaveza tužilaca. Na ovaj način osigurana je mogućnost da redovni koordinacioni sastanci za 2023. godinu budu prepoznati Programom stručnog usavršavanja za 2023. godinu. Dinamika realizacije sastanaka biće

usaglašena i koordinirana sa Federalnim tužilaštvom FBiH i UNICEF BiH. Pored redovnih sastanaka u okviru krivičnih savjetovanja, tokom 2023. godine predložen je i jedan koordinacioni sastanak koji ulazi u dane obavezne obuke nosilaca pravosudnih funkcija.

Također, rad federalnih tužilaca Federalnog tužilaštva F BiH, u radnim grupama koje se odnose na Trgovinu ljudima - (Koordinacioni tim za borbu protiv trgovine ljudima i Udarne grupa za borbu protiv trgovine ljudima u BiH), Pravilnika o provođenju kućnog pritvora sa elektronskom narukvicom, Radne grupe o izradi Zakona o bazi podataka rezultata uzeti DNK i Pravilnika o načinu izuzimanja biološkog materijala DNK analize u krivičnom postupku o načinu prikupljanja biološkog materijala, čuvanja, obrade i pohrane uzoraka i dobivenih rezultata DNK analize u F BiH, će i u toku 2023. godine nastaviti rad do ostvarivanja zacrtanih rezultata.

Očekuje se da će radna grupa formirana od strane Ministarstva pravde BiH za izmjenu Zakona o VSTV BiH, čiji je član glavni federalni tužilac nastaviti sa realizacijom aktivnosti u toku 2023. godine.

Pored navedenog redovnog nadzora nad radom kantonalnih tužilaštava, u 2023. godini provodit će se i kontinuirani nadzor rada kantonalnih tužilaštava, u okviru čega će se nadzirati i primjena Pravilnika o orijentacionim mjerilima za rad tužilaca u tužilaštvima u BiH i realizacija planova rada kantonalnih tužilaštava, te će se po potrebi predlagati odgovarajuće mjere za unapređenje, te ukoliko bude bilo potrebe od strane glavnog federalnog tužioca će se donositi nova Obavezna uputstva u skladu sa potrebama reguliranja procesnih pravnih pitanja u krivičnim stvarima.

Redovan nadzor na radom kantonalnih tužilaca vršit će se kroz posjete federalnih tužilaca pojedinim kantonalnim tužilaštvima, a koja oblast nadzora će biti utvrđena na Kolegiju federalnih tužilaca Federalnog tužilaštva F BiH. Izvještaj o nadzoru će se sačinjavati shodno zatečenom stanju, te će se dati upute za poduzimanje mjera za otklanjanje navedenih prepreka.

Kao i u protekloj 2022. godini, i u 2023. godini, će biti vršen nadzor i kontrola nad radom kantonalnih tužilaštava, posebno u predmetima ratnih zločina i korupcije, te će se po potrebi posjetiti rukovodstva kantonalnih tužilaštava zbog pojačanog nadzora, a u skladu sa Revidiranom državnom strategijom za rad na predmetima ratnih zločina, te Obaveznim uputstvom o prioritetnom radu na koruptivnim predmetima visokog nivoa broj: A-258/21 od 26.08.2021. godine.

Pružanje stručne pomoći kantonalnim tužilaštvima

U toku 2023. godine Federalno tužilaštvo će pružati stručnu pomoć kantonalnim tužilaštvima, putem davanja stručnih mišljenja i uputa u okviru kontrole optužnica, redovnog i kontinuiranog nadzora, te postupanja po pritužbama na odluke kantonalnih tužilaštava. O pruženoj stručnoj pomoći pismeno će se pravovremeno obavijestiti nadležni glavni kantonalni tužilac, kao i glavni federalni tužilac uz eventualno iniciranje davanja pojedinačnih ili opštih obaveznih uputstava.

Održavanje kolegija i aktivnosti na realizaciji strateških dokumenata

Federalno tužilaštvo će u 2023. godini redovno održavati sastanke Kolegija federalnih tužilaca, ali i sastanke Proširenog kolegija svih glavnih tužilaca u F BiH, najmanje tri puta godišnje, po mogućnosti svaka tri mjeseca. Također će u toku 2023. godine, biti održan tematski Prošireni kolegij svih glavnih tužilaca u F BiH, na kojem će se razmatrati rezultati i analizirati Izvještaji o nadzoru i kontroli rada kantonalnih tužilaštava u F BiH, kao i analiza predmeta korupcije, te će se nastojati riješiti eventualni izazovi i poteškoće sa kojima se susreću kantonalna tužilaštva u radu u ovim predmetima, a u cilju ujednačavanja tužilačke prakse. U skladu sa objektivnim mogućnostima, izvršavati će se sve aktivnosti koje se odnose na provedbu Strategije za borbu protiv korupcije, Akcionog plana za borbu protiv korupcije, kao i Akcionog plana za zaštitu djece u digitalnom okruženju, te Strategije za borbu protiv organizovanog kriminala. U ovoj godini će biti nastavljene aktivnosti na realizaciji mjera predviđenih Planom integriteta Federalnog tužilaštva.

I u toku ove godine, glavni federalni tužilac će prisustvovati sastancima Koordinacijskog tijela glavnih tužilaca i po potrebi inicirati sastanke a sve u skladu sa odredbama Sporazuma o uspostavi Koordinacijskog tijela glavnih tužilaca između glavnog tužioca tužilaštva BiH, glavnog federalnog tužioca, Republičkog tužilaštva RS i tužilaštva BD, glede problematike koja se odnosi na segment rješavanja sukoba nadležnosti u federaciji i drugim tužilaštvima u BiH, a što je propisano i Obaveznim uputstvom⁵ koje je donio glavni federalni tužilac.

Pregled planiranih pomoćnih evidencija

U cilju ostvarenja Plana rada za 2023. godinu u Tužilaštvu će se voditi slijedeće pomoćne evidencije:

- a) evidencija o prisustvu na poslu i odsustva sa posla tužilaca i ostalih uposlenika - ovu evidenciju vodit će sekretar Federalnog tužilaštva i šef kabineta Ureda glavnog federalnog tužioca;
- b) evidencija o riješenim predmetima po vrstama predmeta na mjesečnom odnosno godišnjem nivou - ovu evidenciju vodit će glavni upisničar - šef pisarnice, statistike i arhive, i IKT službenik;
- c) evidenciju o prisustvu tužilaca na sudu - ovu evidenciju vodit će glavni upisničar - šef pisarnice, statistike i arhive, i viši referent za unos podataka - upisničar, uz pomoć IKT službenika.

Nadzor nad vođenjem ovih evidencija vršit će glavni federalni tužilac, a u njegovoj odsutnosti, zamjenici glavnog federalnog tužioca.

Nadzor nad realizacijom Plana rada za 2023. godinu

Realizaciju ovog Plana rada za 2023. godinu nadzirat će glavni federalni tužilac i zamjenici glavnog federalnog tužioca. Istekom godine za koju je donesen

⁵ Obavezno uputstvo A-7/21 od 06.01.2021. godine

Plan rada, a najkasnije do 28.02.2024. godine, glavni federalni tužilac će sačiniti Izveštaj o realizaciji Plana rada Federalnog tužilaštva za 2023. godinu.

GLAVNI FEDERALNI TUŽILAC

Munib Halilović

